



UNIVERSITÄTS-
BIBLIOTHEK
PADERBORN

Horologium Spirituale Scholasticorum Societatis Jesu

Dirckinck, Johann

[Osnabrugi, 1696

Examinandi conscientiam.

Nutzungsbedingungen

[urn:nbn:de:hbz:466:1-55025](https://nbn-resolving.org/urn:nbn:de:hbz:466:1-55025)

HORA X.

A Scholis Scholasticus vel Magister non diu in Schola vel area hareat, sed tempestive discipulos expediat, ut in puncto signi examen auspiciari valeat: & hanc ipsam obedientia accuratorem in examen adducat. I. Quadrante Examen.

EXAMEN Conscientiæ.

Quinque puncta, Christi quinque vulneribus accommoda, & ad singula puncta unum vulnus osculare.

PUNCTUM I.

Solve Deo grates.

Adoro, laudo, & benedico te DEUS meus, & gratias ago immortales, pro omnibus beneficiis, in primis sacrosanctæ Humanitati Christi, amantissimæ Matri ejus, reliquis Sanctis & mortalibus omnibus tam profusè collatis. Deinde pro beneficiis mihi singulariter in corpore & anima præstitis, pro beneficio creationis, conservationis, sustentationis, redemptionis, sanctificationis, vocationis ad Societatem, aliisque innumeris. Benedicta sit in æternum omnipotentia, providentia & charitas tua

infinita, quæ omnibus diebus vitæ meæ, ac præsertim hodie, erga me, tam benignam, liberalémque se exhibuit. In gratiarum actionem offero tibi laudes militantis & triumphantis Ecclesiæ, merita Jesu Filii tui, Salvatoris mei, & sanguinem ejus infinitè pretiosum, quem in cruce è vulnere manûs dexteræ effudit.

PUNCTUM II.

Pete Lumen.

Obscuro te, Deus cordis mei, per sacratissimū sanguinem Filii tui, qui ex vulnere sinistræ manûs ejus, pro nobis manavit, ut gratiam mihi copiosam dare digneris, agnoscendi, detestandi, defendi & corrigendi peccata mea; ut in die judicii non ad sinistram, sed ad dextram Judicis per sanctos Angelos tuos collocari merear. O lux vera! quæ illuminas omnem hominem venientem in hunc mundum, mentem meam illumina!

PUNCTUM III.

Discute mentem.

O Domine! quàm longè aberravi à perfectionis semita, etsi illam cruentis vestigiis mihi Christus designavit! quoties hodie rursus prolapsus sum! *Hic*

Hic examina per singulas diei horas, cogitationes, verba, opera, omissiones, ne omitte imperfectiones, & regularum transgressiones. Reflecte igitur quæ peracta sequentia.

1. Examen præteritæ diei. 2. Prælectio meditationis. 3. Preces vespertinæ. 4. Somnus. 5. Alacritas in surgendo in puncto signi. 6. Primæ cogitationes 7. Surrectio an decora. 8. Lecti decens compositio aut contectio. 9. Visitatio venerabilis. 10. Præparatio ad meditationem. 11. Observatio additionum. 12. Inchoatio ad primum campanæ sonum. 13. Præludia, collectio mentis in meditatione, ut non elabatur ad impertinentia, Exercitium memoriæ, intellectûs & voluntatis. Custodia sensuum. Repulsa distractionum. Situs decorus. Omissio actionum inconvenientium. Completio temporis. Recollectio, propositorum, luminû, affectuûmq; annotatio & postmodum executio. 14 Confessio sincera, humilis, exacta, contritio fervens, propositum serium, impletio penitentię, nihil perfunctoriè & ex consuetudine. 15. Horæ minores attentè, tardè, piè,

reverenter, opportuno loco & tempore.
 16. Præparatio ad sacrum vel communio-
 nem, seria, fervens, devotissima. Sacrum
 & sub eo custodia sensuum, exclusio di-
 stractionum, observatio cæremoniarum,
 absq; præcipatione verborum. Recolle-
 ctio attenta, fervens, non decurtata, non
 loquendo interrupta. Canticum trium
 puerorum attentè, ferventer. 17. Studium
 cum intentione pura & aliis requisitis.
 Doctio accurata cum præparatione debita
 & temporis distributione exacta. 18. Exa-
 men generale accuratissimum, dolor serius,
 propositum non obiter, & ne uni discuf-
 sioni diutiùs inhæreatur, & contritioni
 tempus præripiatur, juvat illud metiri ad
 clepsydram quadrantis. Atq; ita de cæteris.

O me ingratum ac tepidum! veste re-
 ligiosâ, ac tot Filiorum DEI cœtu indi-
 gnum! quot delicta, negligentias & im-
 perfectiones rursus commisi! quàm se-
 gaiter ad perfectionem cucurri! Sacratif-
 simus sanguis è Vulnere sinistri pedis Re-
 demptoris mei profluens, deleat vestigia
 pedum meorum, quibus ab ejus imitatio-
 ne & virtutum semita aberravi.

PUNCTUM IV.

Delicti veniam posce.

Quis dabit capiti meo aquam, & oculis meis fontem lacrymarum, ut ad pedes Salvatoris cum Magdalena ingratitudinem, negligentiam & peccata mea defleam? Tibi soli peccavi, & malum coram te feci. Doleo medullitus, quod offenderim te, mi Deus, qui es summum Bonum meum. Cruciat me valde, quod ad iram provocaverim te, qui es Creator meus, Redemptor meus, primum Principium meum & ultimus finis! vehementer affligit me, quod res nullius momenti, ob quas te offendi, plus amaverim, quam te; adeoque rei vilissimę postposuerim te, maximum & æternum Bonum meum! Diligo enim nunc te super omnia creata, & mallem rerum omnium conditarum jacturam fecisse, quam te vel semel offendisse. Detestor universa delicta mea, super omnia alia mundi mala, quia tibi displicent, & tu summè eadem detestaris. O si dolerem millies amplius, sic te à me læsam, ô infinita Bonitas! amplector supplex pedes Filii tui,

&

& per vulnus pedis dexteri rogo te, ut mihi dicere digneris, quod olim Magdalene dixit Filius tuus: *Remittuntur tibi peccata tua.* Eâ spe fretus in apertas Jesu mei plagas, in abyssum miserationis tuæ, me totum projicio, ac per merita passionis ejus, à Bonitate tua veniam spero. Respice in me, & miserere mei.

PUNCTUM V.

Malumq; fuga.

O Amantissime JESU! ex hac hora satisfaciam æquissimo desiderio cordis tui, pro salute mea in cruce transfixi, & corrigam quidquid mali & negligentia admisi. Nunquam, nunquam te offendam amplius, nec in minimis quidem, sciens volensq; ô Bonitas summè amanda! Confirma hoc propositum meum, per merita sanguinis tui, ex intimo cordis sinu pro me effusi: quæ tibi cum vita, passione & morte tua in satisfactionem offero. Unio cor meum cum vulnerato corde tuo, mi Jesu. Cor tuum sit mihi caverna maceræ, in qua securè habitet anima mea, foramen petrae me sustentantis, Ad peccatorum emen-

148 *Quæres quid agendum in examine emendationem, ad compensationem eorundem, omnemq; vitæ perfectionem cum gratia tua, paratum cor meum Deus, paratum cor meum! Deus propitius esto mihi peccatori. Amen. Concluditur oratione Dominicâ ex præscripto S. P. N. in Lib. Exercit.*

QUÆRES

Quid agendum, si quid temporis in Examine superfit?

R Esp. Si nihil peculiare, illo die expiandum aut corrigendum occurrat. 1. Occupa te in gratiarum actione pro beneficiis, etiam personalibus. 2. Elice magnos actus contritionis, de peccatis antea actis, non secus ac si in præfenti, magnis peccatis fores obnoxius. 3. Dispice, num aliquam eo die graviolem commotionem à passione aliqua, aut tentatione passus his: nam passionem refranandam ne valde mentem perturbent, imò etiam illæ, quæ non valde perturbant. 4. Examina successum meditationis, si id manè, præstare nequiveris. 5. Renova propositum abstinendi à peccato, à quo in proxima exhomologesi cavendum.

si quid temporis superfit?

149

vendum statuisti. Talia proposita incredibiliter ad animæ puritatem conferunt. 6. Vide, num quæ omiseris bona, vel obligationis, vel supererogationis. 7. Inquire, num quid ex consuetudine boni egeris, omissâ actuali oblatione, præsertim actiones adiaphoras. 8. Considera, utrum commiseris rem aliquam materialiter malam, & talem, quæ si deliberatio adfuisset, evasisset peccatum, v. g. motus primi, verba cholericæ, agitatio manuum inconsiderata. 9. Inquirere poteris in radicem peccatorum, deliberare de mediis; aliàs expende, an hoc tempore sis melior præterito, & an elegeris id quod perfectius est. In vitiis & perturbationibus, omnibusque virtutibus, nos ipsos sollicitè inquirere non desinamus, ubinam simus, in medio vel in fine, ait *S. Joannes Climacus. Gradu 26.*



ME:



Non est laus se *in numero*
et pondere
et mensura. Sap. 11.
Attendite, ne forte graventur corda vestra. Luc. 21.